



Broj: 10/E-11-2935/23

Sarajevo, 07-06-2023. godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka i zamjena wi-fi mreže u zgradi Općine Centar Sarajevo (Zapisnik o pregledu i ocjeni ponuda broj: 10/E-11-2935/23 od 31.05.2023. godine), Općinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „Fixit“ d.o.o. Sarajevo, ulica Zaima Šarca broj 34, 71000 Sarajevo, broj: 300523/MC001-T od 30.05.2023. godine, za nabavku i zamjenu wi-fi mreže u zgradi Općine Centar Sarajevo, u ukupnom iznosu od **12.840,00 KM bez PDV-a**, odnosno **15.022,80 KM sa PDV-om i rokom isporuke i ugradnje 10 (deset) dana**.
- II. Ugovorni organ će sa izabranim ponuđačem zaključiti Ugovor, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III. Izabrani ponuđač dužan je dokaze iz tačke 7.1. i 7.1.2. tenderske dokumentacije (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- IV. Ova Odluka se dostavlja svim ponuđačima koji su učestvovali u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke: Nabavka i zamjena wi-fi mreže u zgradi Općine Centar, putem otvorenog postupka, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-2935/23 od 24.04.2023. godine.

Postupak javne nabavke nije podijeljen na lotove.

Obavještenje o nabavci broj: 848-1-1-77-3-85/23 objavljeno je dana 10.05.2023. godine na Portalu javnih nabavki, a Sažetak Obavještenje o nabavci objavljen je u „Službenom glasniku BiH“ broj 35/23. Procijenjena vrijednost javne nabavke bez PDV-a ukupno iznosi 17.094,00 KM.

U roku za predaju ponuda koji je određen tenderskom dokumentacijom (30.05.2023. godine do 11:00 sati), na adresu Ugovornog organa dostavljene su četiri ponude i to od ponuđača: 1. „Kamer Commerce“ d.o.o. Sarajevo; 2. „Fixit“ d.o.o. Sarajevo; 3. „EMADO“ d.o.o. Sarajevo i 4. „Matrix Systems“ d.o.o. Pale.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok isporuke i ugradnje, kao kriteriji „ekonomski najpovoljnija ponuda“, kako sljede:

r/b	Ponuđač	Ukupno (KM) bez PDV-a	Popust	Ukupno (KM) sa popustom i PDV-om	Rok isporuke i ugradnje (dana)
1.	"Kamer Commerce" d.o.o. Sarajevo	10.634,00	/	12.441,78	21 (dvadesetjedan) dan
2.	"Fixit" d.o.o. Sarajevo	12.840,00	/	15.022,80	10 (deset) dana
3.	"EMADO" d.o.o. Sarajevo	16.800,00	/	19.656,00	/ *
4.	"Matrix Systems" d.o.o. Pale	17.000,00	/	19.890,00	10 (deset) dana

*Podatak o roku isporuke i ugradnje nije dostavljen

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljene ponude u smislu provjere njihove potpunosti, prihvatljivosti i formalno-pravne ispravnosti, kao i usklađenosti sa Zakonom o javnim nabavkama, podzakonskim propisima i zahtjevima Ugovornog organa iskazanim u tenderskoj dokumentaciji.

Tom prilikom Komisija I je ustanovila da ponuđač „EMADO“ d.o.o. Sarajevo nije u ponudi dostavio važeći Obrazac za cijenu ponude – ROBE (Aneks 2.), koji je objavom Obavijesti o izmjeni/dopuni tenderske dokumentacije, broj: 10/E-11-2935/23 od 19.05.2023. godine na Portalu javnih nabavki učinjen dostupnim svim potencijalnim ponuđačima, uključujući i one ponuđače koji su izvršili preuzimanje tenderske dokumentacije za predmetnu nabavku, objavljenu na Portalu javnih nabavki dana 10.05.2023. godine.

Navedenom izmjenom/dopunom tenderske dokumentacije dopunjen je obrazac za cijenu ponude – ROBE (Aneks 2.) na način da je, u skladu sa kriterijem sa dodjelu ugovora – „ekonomski najpovoljnija ponuda“ i potkriterijima (*I Cijena i II Rok isporuke i ugradnje*), definisanim u tenderskoj dokumentaciji, u Obrascu za cijenu ponude upisan potkriterij *II Rok isporuke i ugradnje*, sa naznačenim mjestom za upis traženih podataka.

Izmjena/dopuna tenderske dokumentacije je bila obavezujuća za sve potencijalne ponuđače, kako je navedeno u Obavijesti o izmjeni/dopuni tenderske dokumentacije, broj: 10/E-11-2935/23 od 19.05.2023. godine.

Navedeno znači da su ponuđači bili dužni dostaviti važeći Obrazac za cijenu ponude (Aneks 2.) popunjen u skladu sa zahtjevima koji su definisani tenderskom dokumentacijom, sa upisanim podacima za sve pozicije kriterija za vrednovanje – *I Cijena i II Rok isporuke i ugradnje*, koji su sadržani u Obrascu, što je polazna postavka za ocjenu ponude i njenu usporedbu sa dostavljenim ponudama drugih ponuđača. Obzirom na to da ponuđač „EMADO“ d.o.o. Sarajevo u ponudi nije dostavio važeći Obrazac za cijenu ponude – ROBE (Aneks 2.), koji sadrži sve tražene podatke o cijeni i roku isporuke i ugradnje opreme koja je predmet nabavke, a koji podaci su potrebni za ocjenu, usporedbu i vrednovanje ponude u skladu sa Pravilima o postupku, provjeri, proceduri i načinu vrednovanja – bodovanja kriterija za izbor najpovoljnije ponude, kao sastavnom dijelu tenderske dokumentacije, Komisija I ponudu nije mogla prihvatiti kao pravilnu i pripremljenu u skladu sa uslovima i zahtjevima iz tenderske dokumentacije, a shodno tački 8.1.1. tenderske dokumentacije, u vezi sa članom 57. Zakona o javnim nabavkama.

Iz navedenih razloga Komisija I je ponudu ponuđača „EMADO“ d.o.o. Sarajevo odbacila te je ista kao nepravilna isključena iz daljeg postupka evaluacije, u skladu sa članom 2. stav (1) tačka l) al. 3) Zakona o javnim nabavkama. Okolnost da je ponuđač „EMADO“ d.o.o. Sarajevo u nacrtu ugovora, koji je dostavljen u ponudi, naveo rok isporuke najkasnije 1 dan od dana potpisivanja, nije uticala na drugačiji zaključak Komisije I, budući da je ponuđač bio u obavezi dostaviti važeći Obrazac za cijenu ponude – ROBE (Aneks 2.), koja je sastavni dio tenderske dokumentacije.

U daljem toku postupka pregleda i ocjene ponuda, Komisija I je izvršila provjeru ponuda ponuđača „Kamer Commerce“ d.o.o. Sarajevo „Fixit“ d.o.o. Sarajevo i „Matrix Systems“ d.o.o. Pale u pogledu njihove potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u tenderskoj dokumentaciji.

Komisija I je ustanovila da ponude navedenih ponuđača ispunjavaju formalno-pravne, ekonomske i tehničke uslove, odnosno zahtjeve Ugovornog organa, te da su prihvatljive u smislu člana 2. stav (1) tačka l) al. 1) Zakona o javnim nabavkama.

Komisija I je izvršila i računsku kontrolu svih ponuda, i pri tome nije pronađena niti jedna računaska greška.

U daljem toku postupka izvršena je ocjena i vrednovanje prihvatljivih ponuda prema pravilima propisanim Zakonom o javnim nabavkama i podzakonskim aktima, kao i procedurama utvrđenim u tenderskoj dokumentaciji za predmetnu nabavku, primjenom odgovarajućih formula za obračun bodova, sadržanim u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije (Aneks 12.), kako sljede:

KRITERIJ ZA BODOVANJE „ekonomski najpovoljnija ponuda“	„Kamer Commerce“ d.o.o. Sarajevo	„Fixit“ d.o.o. Sarajevo	„Matrix Systems“ d.o.o. Pale
Cijena 70% (bez PDV-a)	10.634,00/10.634,00 x 70 = 70,00	10.634,00/12.840,00 x 70 = 57,97	10.634,00/17.000,00 x 70 = 43,79
Rok isporuke i ugradnje 30%	10/21 x 30 = 14,29	10/10 x 30 = 30,00	10/10 x 30 = 30,00
UKUPNO	84,29	87,97	73,79

Nakon bodovanja po osnovu utvrđenih potkriterija „ekonomski najpovoljnija ponuda“ (I cijena – 70% i II rok isporuke i ugradnje – 30%), izvršeno je rangiranje ponuda:

Rang	Ponuđač	Ukupan broj bodova
1.	„Fixit“ d.o.o. Sarajevo	87,97
2.	„Kamer Commerce“ d.o.o. Sarajevo	84,29
3.	„Matrix Systems“ d.o.o. Pale	73,79

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

prvorangiranog ponuđača „Fixit“ d.o.o. Sarajevo, ulica Zaima Šarca broj 34, 71000 Sarajevo, broj: **300523/MC001-T od 30.05.2023. godine**, za nabavku i zamjenu wi-fi mreže u zgradi Općine Centar Sarajevo, putem otvorenog postupka javne nabavke, u ukupnom iznosu od **12.840,00 KM bez PDV-a, odnosno 15.022,80 KM sa PDV-om i rokom isporuke i ugradnje 10 (deset) dana**, sa kojim će biti zaključen Ugovor.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.



OPĆINSKI NAČELNIK
Srđan Mandić

Prilog:

Zapisnik o pregledu i ocjeni ponuda
broj: 10/E-11-2935/23 od 31.05.2023. godine

DOSTAVITI:

1. Ponuđaču: „Kamer Commerce“ d.o.o. Sarajevo, ul. Blažujski drum broj 14, 71210 Ilidža - Sarajevo
2. Ponuđaču: „Fixit“ d.o.o. Sarajevo, ul. Zaima Šarca broj 34, 71000 Sarajevo
3. Ponuđaču: „EMADO“ d.o.o. Sarajevo, ul. Azize Šaćirbegović broj 112, 71000 Sarajevo
4. Ponuđaču: „Matrix Systems“ d.o.o. Pale, ul. Jovana Cvijića broj 2, 71420 Pale
5. Kabinetu općinskog načelnika – Odsjek za informatiku
6. Kabinetu općinskog načelnika - Odsjek za javne nabavke
7. Službi za finansije
8. U spis